



## Universitätsbibliothek Paderborn

### **Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum**

Pars Altera Decisionum Practicarum Casuum Conscientiæ Selectorum In  
Praxi, Et Foro Interno Quotidie Occurrentium, Omnibusque, Præsertim  
Ecclesiasticis, Qui Sui, Et Aliorum Curam Gerunt, Perutilium, Resolutorum

**Leonardelli, Bonaventura**

**Augustæ Vindelicorum ; Græcii, 1739**

Q. 2. An adulter occultus petere possit debitum conjugale à conjugé  
adulterium ignorante?

**urn:nbn:de:hbz:466:1-41144**

Id, quod haud obscurè colligitur ex Extravag. Joannis XXII, Antiquæ de voto. Si tamen tempore emulsionis voti cogitasset, & agnoscisset se aliter votum exsolvere non posse, quām Religionem ingrediendo; tunc ad id se obligasse censeretur; alias iritoria esset promissio, & qui finem promittit, implicitè etiam promittit executionem medii unici, si illud necessarium esse intelligat; medium autem unicum exequendi tunc votum esset ingressus Religionis. Secūs si id in mentem ipsi non venerit, vel non intellexerit, ut notavit etiam Coninck. D. 34. dub. s. Concl. 3. nam tunc non præsumeretur habuisse intentionem se obligandi ad medium tam arduum, & difficile.

446 Ad 2. Q. Iciendum est, quadrupliciter jus conjugalis debiti amitti posse, videlicet ratione voti, ratione incestus, ratione adulterii & ratione cognationis spiritualis, ut docet communis DD. Unde dubium exoritur, an conjux adulter occulus possit debitum petere ab altero Conjuge, adulterium ignorantē? ubi

Multorum valdē probabilis sententia affirmat, talem adulterum eo ipso privatum esse jure exigendi, & tantum posse humiliiter petere, seu se insinuare gratia placendi uxori, ne onus matrimonii nimis alias grave reddatur. Ita Navarr. in man. cap. 23. n. 23. Re-

bell. l. 2. q. 17. n. 3. Rodriq. p. 1. cap. 243. Cov. 4. decret. 2. p. c. 27. §. 2. Rosella verb. debitum num. 17. Tabien. matr. 4. q. 6. n. 7. Arm. verb. matrimonium n. 77. Petr. de Lop. de matrim. q. 62. a. 1. dub. 1. putans id esse certum, aliisque. i. Mōventur, 1. Quia quām primū adulterium à conjugē committitur, pars innocens illico re vera, & coram Deo absoluta est à debito reddendo: ergo adulter non potest petere tanquam debitum, cum re vera debitum non sit: ant. prob. inde, quia si conjux innocens nō sit alterius adulterium, maneret absolutus secundum omnes; notitia autem facti non absolvit re ipsa, sed ipsum factum: ergo ante notitiam erat re ipsa absolutus, solumque tenebatur ex conscientia erronea.  
 2. Quia Creditore ratione ignorantiae debitum non petente, non eximitur propterea debtor ab obligatione solvendi: sed eo ipso, quod conjux adulteretur, est debitor alter immunitatis & exemptionis ab obligatione reddendi: ergo licet innocens ex ignorantia minimè petat hoc libertatis debitum, non manet adulter liber, nec potest illi libertati contravenire exigendo.  
 3. Quia reddere ex obligatione, & exigere sunt correlativa: sed uxor talis adulteri non tenetur re vera reddere, sed tantum ex conscientia erronea: ergo vir adulter non potest exigere. 3. Quia lex impediens dominium rei, non est merē poenalis, sed statim incurritur pa.

patrato adulteria, cùm sit purè  
privativa.

447 Sententiam oppositam tenent  
Cajetan. t. 1. tr. 31. opusc. 17. respon.  
4. Sotus 4. d. 36. q. un. a. 4. Sanch.  
l. 1. D. 68. n. 4. Coninck. D. 23.  
dub. 12. n. 87. Palao D. 3. pun. 4.  
§. 10. Laym. l. 5. rr. 10. p. 3. c. 1.  
Turrecr. Petr. Sotus, Ledesm.  
Palacios, & alii. Ratio est; quia  
quòd conjux adulter propter adul-  
terium privetur jure petendi de-  
bitum, est id in pœnam sui delicti,  
eò quòd frangenti fidem, fides me-  
ritó non servetur: atqui teus, qua-  
lis est adulter se ipsum ad pœnam  
condemnare non debet, nemine  
agente, aut excipiente, nec tene-  
tur prodere suum delictum, ut à  
Judice, vel ab uxore in pœnam illi-  
ius jure exigendi privetur: ergo  
quamdiu delictum non constat u-  
xori, ut adulterum per exceptio-  
nem elidat, non privatur jure de-  
bitum exigendi, nec ipse tenetur  
esse suæ pœnæ executor, præser-  
tim cùm conjux à debiti petitione  
abstinere plerumque non possit,  
quin criminis commissi suspicio, alia-  
ve incommoda oritura sint. 2. Quia  
hæc est pœna conventionalis jure  
divino, & naturali inducta, ut  
frangenti fidem, fides non servetur,  
matrimonium enim est quædam so-  
cetas, contractus, & foedus: at-  
qui pœna conventionalis non debe-  
tur ante sententiam Judicis, vel  
saltē ante quam pars ipsa petat, ut

patet in aliis contractibus, & fœ-  
deribus, ubi reus non est privatus;  
sed privandus, ut si filius occul-  
tum crimen in patrem admittat,  
exhæredatione dignum, &c. 3.  
Quia, quando conjux ipso jure  
privatur debiti petitione, non est  
in alterius potestate hanc pœnam  
remittere, v. g. si incestum cum  
sorore conjugis admittat, vel  
communem filium è sacro fonte  
levet: ergo cùm conjux innocens  
possit inferre, vel remittere adul-  
tero pœnam non exigendi debitum,  
signum est, illum non ipso jure subire  
hanc pœnam, sed tunc duntaxat,  
cùm ea à conjugé innocentē illi de-  
cernitur, ut adeò adulterium non  
ipso jure privet adulterum jure pe-  
tendi debitum, sed innocentē con-  
cedat potestatem ipsum privandi &  
repellendi. Et hæc sententia pro-  
babilior videtur, & conformior  
praxi sacerorum tribunalium. Unde  
ad argumenta in contrarium pro-  
posita responderi potest.

Ad 1. R. innocentem non eo  
ipso absolutum esse ab obligatione  
reddendi, sed jus duntaxat habe-  
re, quò ipse in foro conscientiæ  
possit se absolvare, si sibi factum,  
seu adulterium constaret, & quam-  
vis notitia facti non absolvat, sed  
ipsum factum, est tamen ea notitia  
conditio, sine qua non, ut justè  
possit innocens se absolvare, &  
conjugem adulterum repellere,  
seu privare jure exigendi.

Ad

Ad 2. dist. min. est debitor ita, ut teneatur se prodere, & spoliare, n. est debitor eo in sensu, ut scilicet conjux innocens delicti conscientia possit se absolvere ab obligatione reddendi, C. sic qui fregit contractus fidem, est debitor pœnae conventionalis, non tamen ita, ut teneatur illam offerre, sed ad eum sensum, ut alter jus habeat ab illo exigendi.

Ad 3. n. min. tenetur enim eo usque reddere, donec innocens adulterii conscientia se ab ea obligatione absolvat; nam ante talen absolutionem seu exceptionem non est sua possessione spoliandus.

Ad 4. n. in casu adulterii legem esse purè privatam, statimque incurri, hoc ipso, quod adulterio privetur jure exigendi debitum in pœnam sui delicti; adeoque pœnalis sit, seu potius conventionalis, ut dictum est suprà, quæ non debetur ante sententiam Judicis, vel faltem antequam pars ipsa petat.

448 Ad 3. Q. An uxor sciens matrimonii votum castitatis obstrictum esse, possit, aut teneatur debitum reddere, quidam existimant, quoties conjux graviter delinquit exigenendo, toties similis culpa reum esse conjugem redditentem, atque adeo nec posse, nec teneri reddere, sed reddendo graviter peccare. Rationem dant i. Quia talis non habet jus exigendi, sed petit in iuste,

hoc ipso, quod ipsa exactio peccaminosa sit, si enim jus haberet, & iuste peteret, exactio illa immunis esset à culpa: ergo & reddens similiter peccat, cum reddendo alterius peccato cooperetur, & consentiens redditioni, consentiat petitioni, seu peccato exigentis. 2. Quia conjugi debitum petenti in loco sacro per se non licet illud reddere, quamvis suum petat, & solius sacrilegii sit reus: ergo neque licebit, quando adversus alias virtutes delinquit, cum non sit major ratio, & voto castitatis ligatus id petens crimen quoque sacrilegii admittat. 3. Quia bonum spirituale conjugis præstat corporali: ergo si petenti cum notabili damno corporali proprio, aut alieno v. g. prolixi, debitum reddendum non est, à fortiori reddendum non erit, quando petens incurrit damnum spirituale petendo. Alii è contraria, idque probabilius cum Diana p. 3. tr. 5. R. 196. & Bonac. de matr. q. 4. pun. 3. Petr. Soto lect. 16. de matr. Sanch. l. 9. D. 6. Coninch. D. 34. dub. 4. Laym. l. c. aliisque, arbitrantur, & petere posse, & etiam reddere teneri alteri conjugi petenti; quia per votum non amisit dominium corporis alterius conjugis per matrimonium acquisitum, sed tantum peccat exigendo in ordine ad Deum, cui si dem voti violat: ergo conjux, à quo exigitur, tenetur ex Justitia reddere: sicut si nummos apud alterum à se depositos peteret ad for-